



Stord kommune
v/ rådmann og økonomisjef

Rammetilskot 2024 – Stord kyrkjelege fellesråd

Vedlagt sender me driftsbudsjett for 2024 med eit rammetilskot tilsvarande kr. 11 675 043,-. Dette er ein auke på 1 378 522 i forhold til rammetilskotet for 2023 som etter budsjettrevisjonen i juni var 10 296 521.

I det vedlagde budsjettet er lønskostnadane auka med 4,5 %. Det same er refusjonar frå Bjørgvin bispedømmeråd (50% diakon og 100 % kateket, statleg tilskot)

Me har auka utgiftene noko til straum.

Me har og auka tilskot til trusopplæring (statleg tilskot via Kirkerådet og bispedømmerådet).

I det reviderte budsjettet for 2023 har me teke med 700 000 i sjukepengar og 100 000 i sparte lønsutgifter. Dette fordi me i 2023 har hatt to langtidssjukemeldingar i tillegg til vakanse i stilling eit par månadar. Desse inntektene kan me naturleg nok ikkje ta med på framlegg til 2024-budsjett.

Dei aller fleste andre budsjettpostarar budsjetttert flatt i forhold til 2023-budsjettet.

Som me snakka om i møte med økonomisjefen 28. september, så ligg det kommunale rammetilskotet frå Stord kommune til Stord kyrkjelege fellesråd, ca 2.mill under kommunar det er naturleg å samanlikna seg med, jfr. kostra-tal.

Me meiner det kan vera naturleg å prøva å minska dette gapet.

Denne hausten har me, for første gong på fleire år, ingen vakanse i stillingar.

Me har dette året auka den diakonale satsninga med 0,2 årsverk for å kunna satsa meir på arbeid for- og med ungdommar, og dei som slit i forhold til rus/psykiatri. I samband med sistnemnte har me eit samarbeid med Kirkens bymisjon.

I tillegg startar me i slutten av oktober opp med ein lågterskel ungdomsklubb frå ungdomsskulealder, kvar fredag.

Kyrkja i Stord ynskjer å vera ei kyrkje med låg terskel, og som er der for dei som ynskjer våre tenester. Kvar veke er det hundrevis av menneske i ulike aldersgrupper som er innom kyrkjene våre i samband med ulike tilbod for born i alle aldrar, konfirmantar, gudstenester, dåp, vigsel, sorggrupper, diakonale tiltak og gravferd. I tillegg kjem alle dei møtepunkta og tiltaka som ikkje er kyrkja.

Me opnar kyrkja både i sorg og i glede, og ynskjer å vera noko som betyr noko, i Stord samfunnet.



DEN NORSKE KYRKJA

Stord kyrkjelege fellesråd

Det er ca 130 frivillige medarbeidarar som gjennom året er engasjert i ulike oppgåver knytta til kyrkja sine aktivitetar. Erfaring tilseier at det difor er god grunn til å forventa at eikvar auke i tilsett ressurs i dette arbeidet vil generera auka frivillig innsats i tillegg.

Me er så frimodige at me minnar om § 15 i Kyrkelova vedk kommunen sitt ansvar for Den norske kyrkja.

§ 15. *Kommunens økonomiske ansvar.*¹

Kommunen utreder følgende utgifter etter budsjettforslag fra kirkelig fellesråd:²

- utgifter til bygging, drift og vedlikehold av kirker,
- utgifter til anlegg og drift av gravplasser,
- utgifter til stillinger for kirketjener, klokker og organist/kantor ved hver kirke, og til daglig leder³ av kirkelig fellesråd,
- driftsutgifter for fellesråd og menighetsråd, herunder utgifter til administrasjon og kontorhold,
- utgifter til lokaler, utstyr og materiell til konfirmasjonsopplæring,
- utgifter til kontorhold for prester.

Fellesrådets budsjettforslag skal også omfatte utgifter til kirkelig undervisning, diakoni, kirkemusikk og andre kirkelige tiltak i soknene.

Utgiftsdekningen skal gi grunnlag for at det i soknene kan holdes de gudstjenester biskopen forordner, at nødvendige kirkelige tjenester kan ytes, at arbeidsforholdene for de kirkelig tilsatte er tilfredsstillende og at menighetsråd og fellesråd har tilstrekkelig administrativ hjelp.

Etter avtale med kirkelig fellesråd² kan kommunal tjenesteyting tre i stedet for særskilt bevilgning til formål som nevnt i denne paragraf.

Kongen kan gi forskrift om kommunenes forpliktelser etter denne paragraf.

Kommunen kan ta opp lån for finansiering av sine forpliktelser etter første ledd bokstav a og b. De nærmere vilkår for kommunens låneopptak fremgår av kommuneloven.⁴

Representant for kirkelig fellesråd² kan gis møte- og talerett i kommunale organ når disse behandler saker som direkte berører fellesrådets virksomhet.

Me arbeider med ein budsjettplan for drift der me legg til grunn eit håp om at gapet mellom det kommunale rammetilskotet vårt og gjennomsnittet i Stord si kostragruppe på sikt kan tettast igjen, slik at Stord kommune om få år ikkje ligg omlag to millionar kroner under samanliknbare kommunar.

Me viser òg til at regjeringa i framlegg til statsbudsjett for 2024, har lagt inn 6,4 milliardar meir i frie inntekter til kommunesektoren. Kommunen har mange viktige oppgåver som krev store ressursar. Ei av desse er ansvaret for lokalkyrkja gjennom løyvingar til kyrkjeleg fellesråd.

Me vonar difor at kyrkja på Stord får merka at kommunane får større handlingsrom i 2024.

Lukke til med budsjettarbeidet !

Stord 6. oktober 2023

mvh Stord kyrkjelege fellesråd

Liv Kari Bru

Liv Kari Bru

Kyrkjeverje/dagleg leiar.

DEN NORSKE KYRKJA
Stord kyrkjelege fellesråd
Sæ 21, 5417 Stord